

Nicea, 28. XI. 24.

D. 1. XII. —

Honorato Professore &

Caro Praesidente,

Me retromitte ad vos (cum
manuscripto) probas que contine ullo
errore satis grave.

Retardatione es debito ad
mes itinere ad Marseille (Phocae?
Massilia?)
unde me reverti solo ante-heri.

Quando me habe momento
libero, me vol scribe articulo de
interlingua; es curioso (me haer-
zita dic "interessante" que non es
latino), si nos pote compara L. S. fl.
ad anglo; magis que ad francois
nam 1) anglo es magis diffusio et es
concurrente plus periculosos et
2) illo non deriva ex latino in

modo recto et si es probato que interlingua es iudicato anglo, resultatu es magis satisfactoris.

De manuale me vol reflecte, forsam me inveni editore, etsi publico es sceptico; in omne modo me expecta manuale polono de Prof. Jędrski.

In Marseille me vide vario esperantista (ibi existe gruppo et "Esperanto-Hejmo"); omne die que propaganda sta et que nullo periodico admittit articulo de lingua internationala. Nunc ibi nullo crede in idea.

Experientia cum vestro opusculo "Interlingua" pote habe interesse; Dominus Sicre, philologo, de que me jam loque, die que isto opusculo es "admirabile et unico";

sed illo es malo subjecto pro experientia nam cognosce bene latino (et graeco).

In Marseille me habe longo conversatione cum E. Fabry professore de Calculo Differentiali et Integrale in Facultate de Scientiis; me loque de vos et de Interlingua; certo illo cognosce bene vobis vestro labore, et Formulario et alios; Sed es extraneus que librarius de ibi non vende, et es ridiculo que bibliothecas (de Universitate et Municipali) non posside illo.

Suo fratre es professore de Electricitate in Sorbonne.

Me vide etiam Prof. Pères, professore de Mechanica in Universitate et Prof. Bosler

astronomo, direttore de Observato-
rio.

Me quære in ambis bibliothecis
operas de ~~W. P. Hepp~~ Russell, sed non inven-
Appare impossibile! Ergo, si vos
habe plure exemplare de vestro
recessione et vos mitte uno ad
me, me es multo grato. Si uno
sols, me retramitte post paucos
die. Me non aude prece de
illo "mega biblion", pro expensas
de expeditione et pro que vos
pote habe necessitate in illo.

In Marseille me lege "Revue
Philosophique de France et de
l'Étranger" redactato ab Lévy-
Bruhl, Félix Alcan, 108 Bd St-
Germain, Paris - Novembre-Décembre
1924. - Ibi Bertrand Russell re-
produe prefatione ad "La Géométrie

trise dans le monde sensible" de
Jean Nicod et dit que thèse
que Nicod non publica pro mor-
te praematura studie relatione
inter geometria et perceptione,
in tale modo que ^{examining} problemate
inverso ad illo "soluta ab Whi-
tehead per logica mathematica!"
Me nota isto articulo ad vos
pro casu si re interes vos.

In catalogo me vide "L'idéal
des mathématiques Paris, 1928" de
Boutroux (academico ~~marito~~ et philosopho)
et forsan ordina illo.

Me jam eme "Problèmes
d'analyse mathématique de
E. Fabry" (Paris, Hermann, 1913)
- 24 francos et tomo I de "Cours
d'Analyse Mathématique" de
E. Goursat, professore in Sorbonne

(Paris, Gauthier-Villars 1924).
Ibi me lege (p. 30) " Sur ce
point-là (i.e. courbes continues)
M. Peano ... a donné un exemple
bien curieux en faisant connaître
une courbe plane qui jouit de la
singulière propriété suivante: lors-
qu'on fait varier le paramètre
 t , le point, dont les coordonnées
sont $x = f(t)$, $y = \varphi(t)$, vient
coïncider successivement avec tous
les points intérieurs à un carré
(v. Math. Annalen, t. XXXVI)."

Me paca libro sexaginta ~~est~~
quattuor franco! (676 pagina).

In fine hodie me receipe
"Logica mathematica" de Burali
-Forti que ^{clara et} est de lectura multo
facile. ^{In illis} Me observa errore.

typographico que pote falle
neophytos (p. 289)!

$$f(a \vee b) := f a \cdot f b.$$

An Professore Burali-Forti
(que es, me puta, vestro amico
personale) nota isto interversio
de signo inter $f a$ et $f b$?

Cum salutationes respectuosas

Semper devoto

J. de Kolomrat

Villa Mignon
Petite Arme Buenos Ayres. NICE.